

EUSKAL PRESOAK. Ekitaldi nagusia 11:00etan Parisen egingen den ibilaldia da, horrela Frantziako Bira amaituz

Hur Gorostiaga | BAIONA

Bart arratsean 50 autobus inguru abiatu ziren Euskal Herriko zazpi bazterretarik Parisi buruz, Frantziako Gobernuari euskal presoek eskubideak errespeta ditzan galdegiteko «eta euskal gatazkaren aitzinean errepre-sioaz ez bestelako jokamoldea har dezan» galdegiteko. Autobusak iluntze partean abiatu ziren eta zenbait oztupo izan zituzten bidea hasi orduko. Nafarroan, esaterako bi autobus geldiarazi zituen Espainiako Poliziak Iruñetik gertu, eta bertan zihoazen pertsonak bideoz grabatu zituzten. Arabari dago-kionez, Guardia Zibilak hiru autobus geldiarazi zituen Araian, eta bidaiariak banan banan identifikatu ondoren jarraitzen utzi zieten.

Manifestazioaren hitzordua goizeko 11:00etan finkatu dute Nation plazan. Bertan, Britainia eta Korsikatik joanen diren lagunekin bat egingen dute, baita Frantziako hiriburuan eta inguruetan bizi diren hiru herrietako jendeekin ere. Ekimenaren Senideak-Gureak elkar-teak eta Amnistiaren Aldeko Batzordeak eta Koordinaketak antolatu dute, baina berehala korsikar eta bretoi presoek aldeko sostengu komiteen laguntza jaso dute.

Horiez gain, Frantziako hainbat alderdi eta mugimenduk bat egin dute deialdiarekin. Hala nola Lionel Jospin sozialistaren gobernuak izan eta Euskal Herriarekiko Gobernuak duen jokamoldea salatu ohi duten Berdeak alderdien ordezkariak izanen dira manifestazioan. Gisa berean, Gobernuak diren alderdi komunistak (PCF) Rhone-Alpes eskualdeko sekzioak ere manifestaziora deitu du.

LCR Liga Komunista Iraultzailea izan da ekimenarekin bat egin duen azken alderdia. Aipatutakoez gain, Magistraturako Sindikatua, Act Up, Motive(s), Droit Devant, Partenia 2000, Corrent Revolutionari Occita, CNT eta MIB dira sostengua agertu dutenak.

50 autobus abiatu dira Euskal Herriatik Pariserat, presoek eskubideen alde

Korsikar, bretoi, LCR, Berde eta Rhone Alpeko komunistek ere deitu dute euskal presoek aldeko manifestazioan parte hartzerat



PABLO S. QUIZA

Donostian Victoria Eugenia aurretik atera ziren Pariserako autobusak, atzo arratsean.

FRESNES

Fresnesko presondegia ixtea galdeginen dute goizeko 8:00etako ekitaldian eta gero manifestazioa egingen da

ENPLEGUAREN ALDE

Arratsaldean bat egingen dute LABekin, langileen kanporaketa masiboen kontra Parisen egingo den manifestazioan

Hiru manifestazio egun bakarrean

Euskal Herriatik Pariserat helduko diren milaka herritarrek hiru manifestaziotan parte hartuko dute. Goizeko zortzietan, Fresnesko presondegiaren itzulua egingen dute, *Fresnes: Salbuespen presondegia itxi* lelopean.

11:00etan, aldiz, «euskal presoek eskubideen errespetua» galdeginez izanen dira Nation Plazatik Bastillarako bidean. Arratsaldean, Frantziako sindikatu eta ezkerreko mugimenduek langile kanporaketa masiboen aurka eta enpleguaren alde egingen duten manifestazioan parte hartuko dute, LAB

sindikatuaren banderolaren gibeletik.

Goizeko 11:00etan egingen den manifestazioa, hilabetez Frantzia zeharkatu duten presoek senideen presondegiatara biraren bukaera izanen da. 14 presondegitan egon dira, eta zuzendari eta arduradunekin mintzatu ahal izan dira, eskaera hau egiteko: euskal preso politikoek eskubideak errespetatzea.

Euskal presoek «zigor bikoitza» izateko arrazoirik ez dagoela esan du ministroak

H. G. | BAIONA

Marilys Lebranchu Frantziako Justizia ministroa euskal presoek sakabanaketa eta urruntasunaz mintzatu zen, atzo, Pauen. FBPB irratian egin adierazpenetan, «terrorismo kasuetan erakunde kriminalaren ezagutza handia izan behar da, eta horretarako atxilotuak Paris inguruan atxiki behar dira, inkestaren beharretarako. Aldiz, presoak behin kondenaturik, familiarengana hurbilketa beti dugu gogoan. Hurbiltzeko ahal den guztia egin behar dugu, ez dago arrazoirik zigor bikoitza izan dadin, batetik kondenatuarena eta bestetik bere familiarena», azpimarratu zuen Lebranchu ministroak.

Aitzitik, segurtasun aldetik «preso kopuruak arazoa» sortzen duela adierazi zuen, «asko direnean kanpoaldearekin lanean segitzeko moduak baitituzte», adierazi zuen Justizia ministroak.

Presondegiatara zaindariak greban direla eta, neurri berriak iragarri zituen Lebranchuk Paueko presondegiara egin zuen bisitan. Baionako presondegiarendako, bereziki ahal gehiago hitzeman zituen, presondegi lapurtarrak gainezka egin baitu azken urteetan, Estatuan duen tokiarentzat jende gehien duena baita.



Mancomunidad
Comarca de Pamplona
Iruñerriko
Mankomunitatea

Servicios de la
Comarca de Pamplona s.a.
Iruñerriko
Zerbitzuak e.a.

Bisita Aratzuriko Ur Zikinen Araztegira

Bisita gidatua Aratzuriko Ur Zikinen Araztegira, **Arazketa Biologikorako** instalazioak eta Uraren Saneamendu eta Arazketaren Interpretazio Zentroa ezagutzeko.

Eguna eta ordutegia

Bisita ekainaren 16an egingo da, larunbata.

Irteera 10:00etan izango da, Imaz Anaiei kaleko 1 zenbakian. Bisitak 3 ordu inguru iraungo du.

Informazioa eta erreserbak

Mankomunitateak bezeroei erantzuteko duen telefonora deitu behar da -948/42 32 42-, astelehenetik ostiralera, 7:30etik 18:00etara.

Lanbide Heziketa

Ingurugiroa

- Ingurugiro kimika
- Ingurugiro osasuna

Eraikuntza eta obra zibilak

- Eraikuntza proiektuen garapena eta aplikazioa

Osasungintza

- Erizaintzako zainketa laguntzaileak
- Osasun-dokumentazioa

Gorputz eta kirol ekintzak

- Gorputz eta kirol ekintzak sustatzea

Arizmendi
ikastola
LANBIDE HEZIKETA

Arizmendi, Koop. E.

Arrasate pasealekua 10
20500 Arrasate

Tel: 943 77 20 25

Faxa: 943 77 00 73

svhziklo@conet.com

http://www.arizmendikoop.com

